

KEUNIKAN AMALAN DEMOKRASI BERPARLIMEN DI NEGARA KITA

Gabungan unsur tradisional dan moden dalam pentadbiran

- (a) Pemerintahan beraja merupakan unsur tradisional, iaitu **warisan sosiopolitik** masyarakat Melayu.
- (b) Unsur moden ialah Demokrasi Berparlimen berdasarkan **model Westminster England**.
- (c) Gabungan Raja Berperlembagaan dan Demokrasi Berparlimen merupakan **kaedah terbaik** dalam mengimbangi amalan demokrasi dalam **persekitaran** sosiopolitik negara kita yang mempunyai pelbagai bangsa, agama dan budaya.
- (d) Kejayaan negara dalam pelbagai bidang semenjak mencapai kemerdekaan bergantung kepada keupayaan mewujudkan keseimbangan antara unsur tradisional dan moden dalam pentadbiran.

Mekanisme semak dan imbang dalam pentadbiran

- (a) **Sistem Raja Berperlembagaan** dan **Demokrasi Berparlimen** mewujudkan mekanisme semak dan imbang antara satu sama lain.
- (b) Pemerintahan beraja yang **berkecuali** dalam politik, ekonomi dan dasar negara berperanan mengimbangi amalan demokrasi.
- (c) Kuasa pengimbang yang ada pada raja mampu **meredakan konflik** dalam demokrasi seperti pertikaian parti politik yang pelbagai ideologi dan konflik perkauman dalam masyarakat.
- (d) Konsep **pengasingan kuasa** antara badan perundangan, eksekutif dan kehakiman mewujudkan mekanisme semak dan imbang dalam pentadbiran.
- (e) Badan perundangan berperanan menggubal undang-undang yang dilaksanakan oleh badan eksekutif. Badan kehakiman pula akan membuat penyelesaian jika timbul kekeliruan atau pertikaian.

Kuasa budi bicara raja


- (a) Kuasa yang boleh dilaksanakan oleh baginda **tanpa mendengar atau menurut nasihat ketua kerajaan** dalam perkara tertentu.
- (b) Perlembagaan Persekutuan memperuntukkan kuasa budi bicara kepada Yang di-Pertuan Agong dalam soal pelantikan ketua **Kerajaan Persekutuan**, iaitu Perdana Menteri.



- (c) Yang di-Pertuan Agong juga mempunyai kuasa budi bicara untuk tidak memperkenankan permintaan **pembubaran Parlimen**.
- (d) Raja dan Yang di-Pertua Negeri mempunyai kuasa budi bicara melantik **ketua Kerajaan Negeri**, iaitu Menteri Besar atau Ketua Menteri.
- (e) Raja dan Yang di-Pertua Negeri juga mempunyai kuasa budi bicara tidak memperkenankan pembubaran **DUN**.

4. **Kerjasama politik**

- (a) Melibatkan **perkongsian kuasa** antara kaum berdasarkan prinsip tolak ansur, perundingan dan pengorbanan bagi mewakili suara setiap kaum.
- (b) Permuafakatan parti politik pelbagai kaum dan ideologi dalam **satu gabungan** membolehkan parti-parti politik membentuk kerajaan dan berkongsi kuasa dalam pemerintahan di negara kita.
- (c) Sejak Pilihan Raya Umum pertama pada tahun 1955, gabungan parti politik berasaskan kaum dibentuk atas nama **Parti Perikatan**.
- (d) Gabungan ini diperbesar dan kemudiannya dikenali sebagai **Barisan Nasional** memenangi 13 kali pilihan raya umum untuk membentuk Kerajaan Persekutuan.
- (e) Pilihan Raya Umum ke-14 pada tahun 2018, sekali lagi mencatat sejarah dalam permuafakatan politik apabila **Pakatan Harapan** (PH) berjaya memperoleh mandat daripada rakyat untuk membentuk Kerajaan Persekutuan.
- (f) Pada tahun 2020, kerjasama politik telah mewujudkan **Perikatan Nasional** untuk menggantikan Pakatan Harapan dalam pemerintahan negara kita.



Tahun	Pembentukan Kerjasama Politik
1954	Parti Perikatan
1962	Parti Perikatan Sarawak
1962	Parti Perikatan Sabah
1974	Parti Perikatan menukar nama kepada Barisan Nasional (BN)
1990	Angkatan Perpaduan Ummah (APU)
1999	Barisan Alternatif (BA)
2008	Pakatan Rakyat (PR)
2015	Pakatan Harapan (PH)
2018	Gabungan Parti Sarawak (GPS)
2018	Gabungan Bersatu Sabah (GBS)
2019	Muafakat Nasional (MN)
2020	Perikatan Nasional (PN)